



Inatsisartut Suleriaasianni § 37 imm. 1 naapertorlugu Naalakkersuisunut apeqquut imaattoq matumuuna saqqummiuppara:

Naalakkersuisunut apeqquutit:

- 1. Naalakkersuisut ilisimavaat meerartalinnik ilinniagaqartut, piffissami aalajangersimasumi kollegiami imaluunniit ilinniartunut inissiami najugaqarsimasut kingornalu ilaqutariinnut inissiamut innersuunneqartut, inissiaminnit nuunnerminni qalipaaneq iluarsaassinerlu pillugit 5.500 kr.-it tikillugit akiliisussanngortinneqartartut?**
- 2. Inatsisitigut tunngavik suna, nalunaarutit suut imaluunniit allaffissornikkut malittarisassat suut tunngavigalugit meerartallit ilinniagaqartut inissiaminnit nuunnerminni qalipaaneq iluarsaassinerlu pillugit akiliisussanngortinneqartarpat?**
- 3. Naalakkersuisut paasissutissiissutigisinnaavaat Kalaallit Nunaanni kollegiani najugaqartut tamarmik assigiinnik malittarisassaqaartinneqarnersut, imaluunniit najugaqarfik, inissiap suussusia imaluunniit kollegianik aqutsisut naapertorlugit assigiinngitsumik ingerlatsisoqarnersoq?**
- 4. Naalakkersuisut naapertuutippaat meerartallit ilinniagaqartut, ilinniagaqarnersiutini inuuniuteqartut, ilaqutariinnut naleqquttumik inissiamut nuunnerminni 5.500 kr.-it tikillugit aningaasartuuteqaartinneqartarnissaat?**
- 5. Naalakkersuisut misissuillutillu periarfissanik allannguissamullu suliniuteqassamaarpat, taamaalilluni meerartallit ilinniagaqartut inissiaminnit nuunnerminni qalipaaneq iluarsaassinerlu pillugit naapertuutinngitsumik aningaasartuuteqaartinneqartarnerat pinngitsoortinneqarsinnaaqqullugu?**
- 6. Naalakkersuisut misissorniarpaat kollegiani ilinniartunullu inissiani najugaqartut Kalaallit Nunaanni sumiiffiit tamaasa eqqarsaatigalugit inissiaminnit nuunnerminni qalipaaneq iluarsaassinerlu pillugit assigiimmik pineqartarnersut?**

(Inatsisartunut ilaasortaq Jens NapātôK', Naleraq)



Tunngavilersuut:

Meerartallit ilinniagaqartut amerlanertigut aningaasatigut artornartorsiortunik inissisimapput, tassami isertitaasa pingaarnerit ilinniagaqarnersiutit aqqutigalugit pisarmata. Taamaattumik inissiamit nuunnermi qalipaaneq iluarsaassinerlu pillugit 5.500 kr.-it tikillugit akiliisussanngortitaaneq aningaasatigut annertuumik artukkiisuvoq. Peqatigitillugu apeqquuserneqarpoq ingerlatsineq assigiinnersoq, tassami paasineqarpoq kollegiami najugaqartut ilaat inissiaminnit nuunnerminni assinganik piumasaqarfigineqartanngitsut. Taamaattumik pisariaqarpoq inatsisitigut tunngaviup, ingerlatsinerup aammalu naligiimmik pineqarnissap misissornissaat. Apeqqutit siunertaraat atuuttumik inatsisitigut tunngaviup erseqqissarneqarnissaa, Naalakkersuisullu aaqquissuussinerup naapertuuttuuneranik naliliinerisa kiisalu meerartalinnut ilinniagaqartunut atugassarititaasut naapertuunnerulersinneqarnissaannut periarfissat qulaajarneqarnissaat.

Apeqqutit Inatsisartut Suleriaasianni § 37, imm. 1 naapertorlugu ullut suliffiusut qulit (10) iluanni akissuteqarfigineqarnissaat qinnutigineqarpoq.

Nutserinermi nalornisoqartillugu kalaallisoortaa aallaavigineqassaaq.